

蠶修邾縣志序

夫一邑之中人心所由維風俗
所由繫政令之得失於此徵教
化之盛衰於此驗謂宜時稽而
時訓以期傳後而信今曷信乎
爾信諸志也邾故汝旁古邑凡

山川之秀物土之宜問戶口則
生齒日繁問學校則人文日蔚
政教使然也世代遞更簡編具
在或數十年而一變或百餘年
而一變星移物換與時偕遷因
可按籍而稽瞭如指掌已我

朝休養生息厚澤深仁迄今二百

餘年士習民風蒸蒸日上尤宜

紀載昭示將來攷舊志增修於

乾隆七年再修於嘉慶七年距

今六十餘載其間父老傳聞紳

耆記睹有關於風俗人心者實

足與前言往行輝映後先如李
烈士罵賊不屈趙鄉賢事親弗
衰非無致身之臣盡孝之子也
如陳叅謀辭祿不受高司訓好
義而施非無敵愾之人輕財之
士也當滑賊之倡亂投累者視

死如生非無柏舟之志也值劉
寇之流離墜井者守貞不辱非
無蘭閨之操也若夫禦寇全城
報功食德抑且雄文華國惠政
安民忠孝本性而生節義聞風
而起然則官斯土者闡揚風化

何一不可大書特書豈得任其
湮沒如白雲春草徒傷荒渺哉
姜君自咸豐乙卯甫莅斯邑適
值土匪滋事團練鄉勇督勸修
防逾兩載而匪平首以重修鄉
志為念爰商諸學博喬劉兩外

翰並延邑中郭孝廉蒐輯討論

較舊志事增十之二三核偽黜

浮遠不遺而近不濫共裒為十

二卷亟蠲金付梓開局於戊午

季秋葳工於己未孟夏時余奉

命開府中州軍書旁午皖氛不靖擾

豫東南檄令各屬籌辦團練方
完城垣繕甲兵精擊刺嚴保衛
為急務而姜君獨以新修邑志
請於余余詳加繙閱乃知君之
大有造於斯邑之人焉語云前
事之不忘後事之師此時此志

也後之來斯土者不煩旁搜博
采而此六十餘年間因革法戒

一展卷而朗若列眉豈特一二

世之利哉抑余聞之今之率爾

操觚者大都以此藻績承平飾

人耳目已大失乎修志之本意

而或以為事非急需不暇及此
君乃於戎馬倥傯征輪孔亟之
時獨毅然為之識者斷為知治
要之君子焉由是而勤政令廣
教化正人心勵風俗以邾之人
觀邾之事感而易入信而足徵

安見東陝之淳風西京之雅化
不可復睹於今日乎余既嘉姜
君之志余尤厚望於邠之人士
也夫

咸豐九年歲次己未仲秋月

兵部侍郎都察院右副都御史

巡撫河南等處地方提督軍務
兼理河道長白瑛榮題

序

自古輜軒所至首重采風凡
名邦鉅郡以迄一鄉一邑之間
其大者備

國家掌故之實文獻之考即
其間地輿取勝人心習尚載

而存之亦異日訓俗型方所必
需以丁巳秋余奉

命視學中州甫蒞任首按臨

汝路經邾邑維時荏苒未靖

警報頻聞邑宰姜陵山明府

方與此邾士庶講武備設圖

防閭閻之間衆志協然洎已未
冬舉汝州歲試再過茲邑久
堡鄉團肅迎道左聯袂數十
里聲威壯甚乃歎賢守令保障
一萬所以杜奸宄覲覲忘躋斯
民安全之域者誠有由也乃辭

方周旌卽有纂修邑乘之舉
夫邾縣古邾鄆地襟連魯洛
之區背枕劉山面臨汝水蛾眉
扈陽蔚然雄秀山川清淑之
氣蓄積鍾毓於以代有聞人
而中忠孝之彥節烈之士及壽

德幽貞均且流傳不朽誠古有
闕於風俗人心者因時博訪蒐
羅數佚願可緩乎哉歷考邾
志自兵燹後有明以前已無可
攷澄玉

國朝凡五修最後為章君玉